



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

LXXXVII. Fratribus Conversis Ord. Eremitarum S. Augustini prohibetur  
transitus ad statum Clericalem.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Abusus, qui interim irreperunt.

formidantes, emendicatis per importunas preces Principum Sæcularium, ac etiam Prælatorum Ecclesiasticorum favoribus, atque intercessionibus, Abbatia titularis honorem, & gradum Decanatus hujusmodi a Capitulis Generalibus, & dictis Congregationis præfatæ contra Constitutionum, & literarum Apostolicarum prædictarum dispositionem, quasi violenter extorquere satagunt, multique iisdem mediis etiam expectativas ad gradus, & dignitates primo vacaturas itaut eis interim currat tempus requisitum a Constitutionibus ad consecutionem Prioratus, ac Abbatia respectivæ, necnon decreta connumerationis inter Priores regiminis cum simili clausula, quod eis currat tempus ad Abbatiam, reportare procurent; Unde justitiæ distributivæ ordo pervertitur, cum gravi Monachorum religiosi meritis conspicuorum, detrimento, & Congregatio magnopere perturbatur, perniciosisque abusus, & corruptelis hujusmodi, nisi mature recidantur, in maximum relaxationis malum prolabi possent.

Pontifex motu proprio statuit dd. Constitutiones, & literas Apostolicas esse inviolabiliter observandas.

Tollit expectativas.

Prohibet dd. Constitutionibus, & literis Ap. contravenire etiam cum reservatione Apostolici Beneplaciti sub certis poenis.

Mandat præsentium literarum observantiam non obstantem defectu.

§. 3. Hinc est quod Nos pro commissa Nobis divinitus Pastoralis Officii cura abusus prædictos penitus, & omnino evellere, illis ansam in futurum præcidere, ac ejusdem Congregationis tranquillitati, quantum Nobis ex alto conceditur consulere, monasticamque observantiam, & in distribuendis secundum cuiusque merita honorum præmiis, Justitiæ normam in ea stabilire, atque solidare cupientes, necnon præfatarum Constitutionum, & literarum Apostolicarum tenores præsentibus pro plene, & sufficienter expressis, ac de verbo ad verbum insertis habentes, Motu proprio, ac ex certa scientia, & matura deliberatione nostris, deque Apostolicæ potestatis plenitudine, prænaratas Constitutiones, & literas Apostolicas circa electiones, & promotiones ad Abbatia titularis honorem, ac Decanatus gradum, necnon Decanorum numerum, & promovendorum qualitates, de cetero exacte, ac præcise, & inviolabiliter observari debere, nec expectativas ad Prioratus, & Abbatias, aliasque dignitates, vel gradus dictæ Congregationis primo vacaturas, seu vacaturas cuiquam posthac ullo modo concedi posse, tenore præsentium perpetuo statuumus & ordinamus, ac decernimus & declaramus.

§. 4. Districte prohibentes tam cuicumque Capitulo Generali, vel Dietæ, quam quibuslibet Abbatibus, & Superioribus Congregationis præfatæ etiam specifica, & individua mentione dignis, sub privationis vocis activæ, & passivæ, ac dignitatis Abbatialis ipso facto absque alia declaratione incurrendæ, aliisque Nostro, & Romani Pontificis pro tempore existentis arbitrio imponendis poenis ne Constitutionibus, aut literis Apostolicis præfatis, vel præsentibus literis sub quovis colore, vel prætextu, directe, vel indirecte, aut alias quomodolibet, etiam si desuper Nostrium, vel hujus Sanctæ Sedis beneplacitum reservaretur, contravenire audeant, seu præsumant.

§. 5. Ac decernentes easdem præsentibus literas, & in eis contenta quæcumque, etiam ex eo quod quilibet in præmissis interesse habentes, seu habere quomodolibet prætendentes, cuiusvis status, gradus, ordinis, præminentiæ, & dignitatis existant, illis non consenserint, nec ad ea vocati, citati, & auditi, neque causæ propter quas præsentibus emanarint, sufficienter adductæ, verificatæ, vel justificatæ fuerint, aut ex alia quacumque etiam quantumvis legitima, & privilegiata causa, colore, prætextu, & capite etiam in corpore juris clauso nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet,

etiam quantumvis magno, & substantiali defectu notari, impugnari, invalidari, infringi, retractari, aut in controversiam vocari, seu ad terminos juris reduci, vel adversus illas aperitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, seu impetrato, aut etiam Motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare ullo modo posse, sed easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit inviolabiliter, & inconcussè observari, neque ipsis præsentibus per quascumque clausulas generales, nisi toto tenore inserto, & contentientibus Superioribus dictæ Congregationis Cassinen. derogari posse.

§. 6. Sicque, & non aliter in præmissis per quoscumque Judices Ordinarios, & Delegates etiam Causarum Palatii Apostolici Auditores, ac S. R. E. Cardinales, etiam de latere Legatos, aliove quoslibet quacumque præminentiæ, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere, ac irritum, & inane, si fecus super his a quoquam quavis auctoritate scienter, vel ignoranter contigerit attentari.

§. 7. Non obstantibus præmissis, ac Constitutionibus, & Ordinationibus Apostolicis; necnon quatenus opus sit dictæ Congregationis, aliisve quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis etiam si pro sufficienti illorum derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, sive quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 8. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra illud adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 24. Aprilis 1675. Pontificatus nostri Anno Quinto.

I. G. Slusius.

Registrata in Secretaria in lib. Brevium Mensis Aprilis part. utraque fol. 785.

Prohibitio ne Fratres Laici, seu Conversi Ordinis Eremitarum S. Augustini transeant ad Statum Clericalem, seu ad Ordines promoveantur etiam vigore Indulorum Apostolicorum, nisi petita, & obtenta in scriptis licentia tam Provincialis, quam Generalis, & servata forma eorumdem Indulorum sub

Eis mandat derogari non posse nisi toto tenore inserto, & contentientibus superioribus dictæ Congr.

Decretum irritans.

Contrariorum derogatio.

Fides transumptorum.

Dat. 24. Apr. 1675. Au. 5.

LXXXVII.

pœna

pœna perpetuæ suspensionis, & reductionis in numerum Conversorum.

CLEMENS PAPA X.

Ad perpetuam rei memoriam.

Expositio facti.

EXponi Nobis nuper fecit dilectus Filius Dominicus Valvasorius Mediolanen. Procurator Generalis Ordinis Fratrum Eremitarum S. Augustini, quod in eodem Ordine nonnullis abhinc annis, non sine ingenti ipsius Ordinis detrimento serpere incepit ambitionis morbus, quo plures Fratres Laici, seu Conversi propria vocationis obliui, ac humilem pertæsi conditionem, qua Regulari se manciparunt doctrinæ, a Laicali statu ad Clericalem transire, ac ad Sacros Ordines promoveri impotenter pertentant, & à vilioribus exercitiis ad Sacri Altaris Ministeria ascendere, quinimo pœnitentiæ, & Eucharistiæ Sacramenta administrare, necnon Animarum curam exercere minime verentur: & quia non facile in ea Provincia, in qua tanquam Laici ad Religionem admissi fuerunt, voti compotes fieri possunt, ideo nonnulli eorum de loco ad locum, ac de Provincia in Provinciam vagantes commigrant, & aliqui ad remotiores etiam Insulas se conferunt, atque ita quam nequeunt apud legitimos Superiores suos laicalis eorum conditionis conscios facultatem obtinere, ut Sacris initiatur Ordinibus, eandem ab exteris tandem non sine dolo extorquent.

Incommoda, quæ ex huiusmodi transitu suboriuntur.

§. 1. Cum autem, sicut eadem expositio subijungebat, innumera ex hac una inobservantia suboriantur incommoda, quandoquidem decursu temporis prædicti Fratres Laici, seu Conversi, jam utcumque ad Sacros Ordines promoti, ad proprias Provincias, & Conventus, in quibus recepti fuerunt, remigrantes in iisdem contendunt aggregationis, & filiationis, ut antea fruebantur, potiri Privilegio, quod quidem iuste illis à cæteris Religiosis denegatur, ob indebitam status variationem, & dedecus, quod Religiosis inurunt per eorum inscitiam, quam vel Sacrum facientes, vel Officium Divinum legentes, vel Altaris Ministeria exercentes, aut Sacramenta administrantes patefaciunt; Inde verò lites, & dissidia in Conventibus, & Provinciis Ordinis prædicti succrescere videntur; Nobis propterea dictus Dominicus Procurator Generalis humiliter supplicari fecit, ut tot malis, ne radices altius agant, opportuno remedio occurrere de benignitate Apostolica dignaremur.

Preces Procuratoris Generalis d. Ordinis.

§. 2. Nos igitur ipsius Dominici Procuratoris Generalis votis in præmissis quantum cum Domino possumus favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum ferie absolventes, & absolutum fore censentes, huiusmodi supplicationibus inclinati, ne de cetero ullus Frater ad regularem dicti Ordinis habitum inter Laicos, seu Conversos receptus, & admissus, ad statum Clericalem in eodem Ordine, & ad Sacros Ordines promoveri valeat, nisi prius opportunum super eo Indultum ab hac Sancta Sede Apostolica reportaverit, ac etiam tam à Priori Provinciali suæ Provinciæ, quam à Priore Generali Ordinis prædicti respectivè facultatem desuper petierit, & in scriptis sibi concedi obtinuerit. Nec ullus Frater Ordinis huiusmodi in statu laicali professus, qui Sacros Ordines de suorum Superiorum licentia suscipiendi facultatem ab eadem S. Sede obtinuerit, ejusmodi facultate perfrui valeat, nisi pe-

Absolutio a Censuris.

Præscribit formam sub qua fratres laici dicti Ordinis ad statum Clericalem transire possint.

tita, & obtenta pariter tam à Priori Provinciali suæ Provinciæ, quam à Priore Generali Ordinis huiusmodi licentia, servatisque, & adimpletis omnibus, & singulis illis, quæ in ejusmodi Indultis, & literis Apostolicis desuper expeditis præscripta fuerint, auctoritate Apostolica tenore præsentium prohibemus, & interdicimus.

Quando Indultum Ap. eis non suffragetur.

Pœnæ adversus Contravenientes.

§. 3. Volentes, & eadem auctoritate statuentes, ut qui secus egerint, à statu laicali ad Clericalem transeuntes, Clericalem characterem suscipientes, vel se ad Sacros Ordines promoveri facientes, à Clericali characteris, & Sacrorum Ordinum huiusmodi executione perpetuo suspensi remaneant, ac à statu, & habitu Clericali rejiciantur, & in numerum Conversorum denuo redigantur. Qui vero Fratres Laici, seu Conversi Ordinis prædicti tam Clericali characteris, & Sacris Ordinibus prædictis initiati sunt, sed ob eorum ignorantiam non levia adferunt Populo scandala, & Religionis famæ plurimum derogant, auctoritate dilecti filii moderni Procuratoris Generalis Ordinis prædicti, cui opportunam ad id harum serie facultatem tribuimus, a Clericali characteris, & Ordinum suorum respectivè exercitio tandiu suspendantur, donec ab ipso Priore Generali, vel ab Examinatoribus per eum deputandis, prævio examine approbati fuerint. Porro Superiores, qui sine debita, & per præsentis literas præscripta solemnitate concedent prædictis Fratribus Laicis, seu Conversis facultatem transeundi ad statum Clericalem, seu Sacros Ordines suscipiendi aut indebite promotos redarguere, & punire negligenter, pœnam privationis Officiorum, quæ tunc obtinebunt, ac votis activæ, & passivæ ipso facto se noverint incursumos.

Prævisio quoad fratres laicos jam promotos.

Pœnæ adversus Superiores indebite concedentes huiusmodi licentias transeundi.

§. 4. Decernentes ipsas præsentis literas semper firmas, validas, efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari. Sicque in præmissis per quoscumque Judices Ordinarios, & delegatos, etiam Caesarum Palatii Apostolici Auditores judicari, & diffiniri debere; ac irritum, & inane si secus super his à quoquam quavis auctoritate scienter, vel ignoranter contigerit attentari.

Decretum irritans.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dicti Ordinis, ejusque Provinciarum, ac Congregationum, & Conventuum, etiam juramento, confirmatione Apostolica, vel quavis firmitate alia roboratis Statutis, & consuetudinibus, Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Contrariis derogatio.

§. 6. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique adhibeatur, quæ præsentibus adhiberetur si forent exhibitæ, vel ostensæ.

Transumptorum fides.

Datum Romæ apud S. M. Majorem sub Anno Piscatoris die 9. Maji 1675. Pontificatus Nostri anno Sexto.

Dat. 9. Maji. 1675. An. 5.

I. G. Slufius.

Registrata in Secretaria in lib. Brevium Mensis Maji par. utraque fol. 109.